



Samson Kambestad
Kambestad
5776 NÅ

Løyve til utsetting av fjelledelgran

Samson Kambestad får løyve til å plante 1000 fjelledelgran på gnr. 56 bnr. 2 Ullensvang herad. Det er knytt vilkår til løyvet.

Vi viser til din søknad datert 6. desember om utsetting av fjelledelgran til juletreproduksjon på gnr. 56 bnr. 2 i Ullensvang herad.

Innhald i søknaden

Det er søkt om å plante 1000 fjelledelgran (*Abies lasiocarpa*) på eit 1,4 daa stort areal på gnr. 56 bnr. 2 i Ullensvang herad. Arealet har vore nytta til fruktdyrking, men pga. nordvendt helling og bratt terreng ønskjer søkjar å heller produsere juletre her.

Søkjar meiner at tiltaket ikkje vil medføre uheldige følgjer for naturmangfaldet. Utsettingsområdet ligg i eit aktivt produksjonsområde for frukt og bær, og juletrefeltet blir hausta og rydda innan 10 år.

Fylkesmannens vurdering

Søknaden er handsama etter forskrift om utsetting av utanlandske treslag til skogbruksformål, med heimel i naturmangfaldlova. Ved utøving av offentlig mynde som kan påverke naturmangfaldet skal prinsippa i naturmangfaldlova §§ 8-12 ligge til grunn for sakshandsaminga, jf. § 7.

Informasjon i søknaden, kunnskap om fjelledelgran frå Artsdatabanken og registrerte forekomstar av trua artar og naturtypar frå Naturbase og Artskart ligg til grunn for handsaminga, jf. naturmangfaldlova § 8. Tiltaket er lite og vi har tilstrekkeleg kunnskap til å vurdere effektane på naturmangfaldet. Før-var-prinsippet i naturmangfaldlova § 9 blir difor tillagt lite vekt i handsaming av søknaden.

Fjelledelgran er ikkje oppført på svartelista og er vurdert til kategorien låg økologisk risiko av Artsdatabanken. Fjelledelgran set frø ved 30-40 års alder og planting av dette treslaget vil difor ikkje innebære spreiingsfare når dei skal nyttast i juletreproduksjon og skal hoggast før dei blir føresetjande.

Det er ikkje registrert trua artar eller naturtypar i eller grensande til utsettingsområdet. Området rundt er i bruk til produksjon av frukt og bær og blir aktivt skjøtta. Det er ikkje grunn til å anta at det er knytt spreingsfare til utsettinga. Tiltaket vil difor i liten grad bidra til å auke den samla belastninga frå framande bartre i området, jf. naturmangfaldlova § 10.

Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette, jf. naturmangfaldlova § 11.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel og gjødsel, har vi ikkje spesielle merknadar til dette i denne saka.

Etter ei samla vurdering meiner vi at det ikkje er grunn til å anta at utsettinga vil medføre vesentlege uheldige følgjer for naturmangfaldet, jf. utsettingsforskrifta § 7.

Vedtak

Samson Kambestad får løyve til å plante 1000 fjelledelgran på gnr. 56 bnr. 2 Ullensvang herad. Det er knytt vilkår til løyvet:

- Løyvet gjeld områda avteikna på kartvedlegget til søknaden.
- All fjelledelgran må hoggast før trea set frø.
- Det må etablerast rutinar for internkontroll etter § 10 i forskrifta.
- Dette dokumentet må gjerast kjent og bli overført til ny grunneigar ved eventuelt eigarskifte.
- Dersom juletreproduksjonen blir avvikla må alle trea hoggast.

Vedtaket er heimla i forskrift om utsetting av utanlandske treslag.

NB!

Eit løyve gitt i medhald av forskrift om utsetting av utanlandske treslag til skogbruksformål gir ikkje automatisk omdisponering av dyrka og dyrkbar mark til skogproduksjon. Ved spørsmål om omdisponering kan du kontakte kommunen.

Klagerett

Alle med rettsleg klageinteresse kan klage på vedtaket innan tre veker, jf. forvaltningslova §§ 28 og 29. Klagen skal stilast til Miljødirektoratet, men sendast til Fylkesmannen i Hordaland.

Med helsing

Olav Overvoll
Seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.